


関戸奇言  
大槻磐石漢  
自筆稿本

洋学文庫  
文庫8  
A 181





閑  
戸  
奇  
言

大  
槻  
文  
庫



閉戶奇言序

余血氣慷慨之極、不能逍遙于鄉曲、忽生偃蹇  
之心、將鑿之遊、而請于主、不許、宛轉匝年、偶有  
為奸計者、禍釀於蕭牆之內、尚請而不已、不許  
遂四方之志、始起、即稱病請辭、大觸于逆鱗、杜  
門令勿出、於是、一切交遊頓絕矣、是故、已論於  
有用無用、或實事、或設辭、日所想像、咸錄以代  
談話耳、蓋所以名奇言者、性好奇、而奇態終招  
奇窮、然則其言何得不奇乎、文化改元歲次甲



子季夏月陳水狂夫書于不如學齋中

閉戶奇言

有一老翁來徐語曰天下之事融之洩之子何窮之甚乎余答曰人各有志如僕則固窮窮之又窮立志之秋也蓋藜首碌碌不遇難根盤節何別利器福者禍之根禍者福之根豈苦于赤心乎此言可與同好論而不可與俗夫薄子語且僕性迂僻今也血氣方剛勢不能安乎無為若加我數年則可至于無可入之鄉君寬恕之翁笑而去



一夜皎月侵窓，清風颯至，即煮苦茗，盛碧桃，以助獨居興趣。加旃小池之蛙聲，竹簟之吟虫，洗却數日煩暑。於是趺坐看心意，志頗覺清亮，冥造物者之無盡藏也。

近日暑氣殊甚，雖締綰不可近，袒裼裸體，鬚髮離離。童子戲言曰：殆有乳毒人之態。近日惰慢不禁，坦腹而食，扞蝨而語，自謂有丐者之狀。

一富翁誡子孫勿讀書，宜哉斯言乎。余幼而狡

猾，不忍讀書，勉強而讀之，習典性成，終為書癖。讀之不厝，志操一年固於一年，識見一年僻於一年。因知自非大丈夫，則讀書之績無益于事。要却有損，如痴兒則雖無所損，亦無所益，徒費靈液耳。

余四五年前撰某碑銘，覩然令鏤石傳不朽。其卒自閱古書，牽強官名，詳姓氏，書某官某撰，併書以今視之，寒微奴隸，不堪慙悔。余客氣搖蕩，志凌萬乘之君，見世人如狗兒，譬



諸一斲後、潮衆全後、

近日暑甚、矮屋無所措身之處、戲謂兒輩曰、頗有鄰食其烹于鑊鼎之情、

憐舍翁、長于後樂、它無所長、旦暮把為談柄、近歲余精思乎醫、暗有符合者、因拍掌嘆曰、人長于一技、則自有不言之妙也、何多端之為、

余性愛孺子、以故一村之兒、日來而戲、熟視其動止、恬淡寡慾、一若天氏之民耳、茅屋多蠅、偶撲一蠅、忽落于席間、半死半生、有

一蠅來、如將息者、少焉、前繩飛去、

舛也、來謫曰、汝口苟講聖經、身為小人之行、在何典記、余答曰、自非顏回、則誰能箪食瓢飲、不改樂者乎、乃孔門子、負貨殖、冉求為季氏之宰、若矯謂糟糠可甘者、非佛氏則隱者、非痴人則病客、君察之、舛也、知余之不可服、而不敢言、將出門曰、吁、客氣未退、

有一老儒、容兒雄豪、厚重有度、一日詰余曰、子常以狂自處、狂狷聖人所取、子所謂狂者、狂狷



之狂典、狂癩之狂典、余不純對、  
匹夫匹婦之諺曰、豪鷹藏爪、盈壺不鳴、余豈無  
愧乎、

友人某精于兵法、近日来見譚話之際、論涉于  
兵法、余鞭馭駘騰張神王、至于前席、當此之時、  
更忘身之奴隸耳、不堪捧腹、

余家殊貧、然歲月所積、書垂千卷、其餘抄錄及  
叢書、亦殆百卷、近境有四方之志、盡託于友人  
之庫、以故坐右書乏、其初也、如鹿解角、如矇失

杖、遺恨有餘、于日于月、及其慣也、如固無也、因  
嘆人心之慾、不懲則無涯、

近境懶惰自耽、其讀書也、身倦則卧、而讀腕疲  
則起而讀、終日之間、起卧相半、偶試枕意、側則  
宜高、反則宜低、若有嗜卧之人、則為格式、  
越州奧村翁、以吐法聞、早歲不焦、欲休者三、終  
不休、以馳名於海內、信哉、士不可以不弘毅、  
家君在日、余未知醫、聞其語二三字、曰、以知治  
者與不治者、為医流第一義、以今考之、非竭思



巧以積歲月，則不能悟也。家君亦可謂勤矣。友人善相者，常語曰：貧富在于心，不在于事業。且引以列子之言，可謂知道矣。於是余相人果然。

有一僧自截陰莖，以為高，而語其師，感頗曰：汝才氣不讓於中人，惜哉！落于外道。又有一僧護草庵者，一夜風雨，婦人來投，僧不敢拒，使入而宿。中夜僧乍起，就燈下而為事，婦人怪而往見之。僧灸陰莖，頭自言曰：制毒龍。此二僧者俱

篤于道者也。然所為天冠地屨，耳於我技亦然。一心之機，不可不謹也。

一夕觀清少納言春曙抄，朝廷浮靡之風可思。

即是後世微弱之張本。

嘗觀探幽氏畫李白束帶拱立，真庶廊之器，可謂知李白者也。

一夜以香油烹茄子食之，尤多食，後胸中不快，偶由鼓暑氣未退，愒底讀書，眠明朝胸中益不快，飲食不欲，然胃氣頗飢，強喫白飯一碗，百



合羹一杯、少為服、家方玉蘭子三四十粒、方中  
黃可一時、心中懊懣、欲吐不吐、額上有微汗、忽  
服越瓜蒂末三分許、飲白湯數碗、須臾吐黃黑  
汁五六合、金玉蘭子之臭味、病勢十減七八、於  
是作清暑平胃之劑服之、二日胸膈復舊、飲食  
如常、而便閉腹脹、按之如石、無所不堅、鞭臍邊  
有動、遂大劑大承氣湯、濃煎服之、終日更無知  
狀、明朝微利、腹意如忘、嗚呼承氣、軟堅通滯之  
功奇哉

古人嘆三都夫民、慣輕薄之俗、無志操之體、余  
謂未必然、只此一個心鏡、應不拘於地方、  
友人有多藏佛書者、偶借閱、覺經及諸菩薩論  
編數部讀之、即涼風之夕、清雨之日、獨坐于軒  
頭、假寐于繩床、頗覺惺微、去盡是亦一段愉快、  
後自責多端之弊、不復讀、  
友人某方學和蘭之醫、余得典聞、其治術雖不  
可直施于邦人、斟酌用之、則可助業者、不亦數  
以故心大慕之、以為支那失其道久矣、特於



夫得之然奴隸匆忙不遑學之延纏引日近境  
天假我以日月時不可失遂學蘭字無幾得辨  
魚魯如彼言語則未諳是故未能翻彼書只合  
彼字直用字書和款及短文以慰謫居此亦一  
快活事

余初從二洲先生而受副墨之誦家學謹嚴一  
閻齋之流大都禁初學賦詩屬文涉穢羣書余  
綿力薄才不堪其教又就清暉先生而正焉無  
幾先生逝矣於是遊于柳谷先生之門其學折

衷古今職講六經旁勉討藻博覽不禦以故門  
下饒俊秀且不吝于借書當時余志一于脩業  
膠漆斯得相磨相礪始開心眼矣矣柳谷先生  
之力也聊錄以示不忘耳

余嘗厚幣卑辭探竒方於諸家得若干首爰有  
一雛醫嗜竒方就余求焉余汎然授之不遺其  
意在于與人為善雛醫爵躍而去一日愠見曰  
僕驗竒方於事更無竒效足下何欺之甚余笑  
曰運用在于手不在于竒方若膠柱則庸不異



於綿見執正宗劍乎、余嘗謂、奇書非奇書、奇方  
少奇效、足下思之、

余有奇方、秘而不洩、藏諸石室、漆絮固之、威武  
不能燬之、富貴不能閱之、余之所謂奇方者、非  
世之所謂奇方者、若欲知之、則知宋趙普、而後  
可知之、

嘗與某同、遊于國分寺、歸路失途、即問農夫、取  
路於隴畝間而去、頃日懷之而嘆曰、行路且然、  
而況於我技乎、

有一男子、長于鄭声者、其为人也、陋而倭、辞气  
鄙倍、一無可觀、然臨論其技、則意气睥睨旁人、  
宜哉、儒也、医也、睥睨世人、

盤水先生嘗語余曰、爰有一盜首、属徒數十人、  
一日欲魚、使一漢去、徒手归来曰、魚舖令嚴、無  
可下手、於是擢一秀漢曰、非子則不可得、幸得  
来、秀漢諾而去、少焉持松魚一尾来、盜首曰、胫  
衣乎、秀漢杲然、舌上而不下、衆不知其故、駢頭  
問曰、何謂乎、秀漢徐語曰、魚舖令嚴、實無可下



手旁有懸脰衣於軒頭而鬻者遂掠一脰衣去  
典以購魚來衆咸感服夫正邪雖殊機變之乃  
於我技有所符也不可不知也

古人有言曰不為良相則為良醫嗚呼雖王侯  
之命在一匙之下、醫其不可不慎也  
近日心地蹉跎快、不娛便每對鏡自有寧馨  
之嘆

有一諛人來視余之迂僻而不知所稱從容語  
曰子雖迂僻殊甚不害於為巨擘、口氣可賤

有一奇人性嗜奇石余亦幼時嗜奇石家藏數  
十品奇人聞余家有奇石一日來見曰僕得卿  
於友人之話幸為親朋其辭氣如舊相識遂把  
坐右奇石一二與之來過四五回猶清而不厝  
因扣囊底與之、尔後料余之奇石盡而不再來  
奇人亦不咸信也

原豹藏者金我門之巨擘也才識越於眾人其  
為人也高邁獨立與世相乖金我常言曰汝悖  
於世情不死于溝壑則可謂僥倖也日後果失



生業為禪徒而斃

盤水先生誠余曰在昔越之藩有一小生精于朝鮮書學自謂不可屈於薄絆若開門乎大都會則愉快莫大焉遂請辭君侯不許強而後可即遊于浪華不售又去遊于東都當時廣澤烏石之徒崛起矣於朝鮮之流則無敢顧者終斃于芝門僦屋汝粗相似烏謹哉

一日行廁窗有一蒲蘆營巢視其所為持泥出如麻子大來經營曲折無所不至也吾倚破

產未成家其行事不如一小虫豈不愧乎

近歲余志一于醫便多日涵泳之績如有所得瞭然自以為四頭八尾所觸為頭然而驗諸治術者十一二其一二之中得効者少不得効者多難矣為醫一禪師之語曰大悟十八小悟無數於我技亦然

有一老人語余曰足下嘗以讀書為無益于事要意是詭激之言耳足下之性若不讀書則應不免於刀鋸矣此翁可謂有識人之鑒



同藩之士、比屋屢空、人制團扇、以補俸錢之不足、克安于糟糠、不願乎其外、君子哉若人、有一痴漢子、自謂將帥之才、以故家藏無用器械許多、是亦一種痴情、因嘆昇平之父、雖小邑費糶不敷、

嘗聞尾張星野氏、以善射、擢少卒、為都督、初朝之日、無一點鄙態、人以為將帥之器、可謂真英雄矣、

有一雛儒、秩父之人也、為人沈默寡慾、大有老

實之體、年二十餘而卒、因思人方盛壯之時、元氣不振者、蓋稟賦有所脆軟、

產科公言、子鳴于腹中矣、余謂胎兒未生下、則大氣未通、更無發聲之理、

一男子、疫後大腹堅、鞞似塊、不塊、臍底有悸、不愈三年、經五醫之手、就余請治、余曰、不大下、則病根不除、生慣前醫之說、大慰而不信、于今不愈、

近世稱古醫方家者、可謂越卓焉、以余觀之、其



論則大是小非其治則半是半非至其末流拙  
技之俚匠則不啻不足論賊人者不可勝數矣  
可閔哉

赤馬閑獨嘯庵者醫生之俊杰也自謂窮理易  
應事難也是言今獨步之確言然如其治術則  
余未能保焉

大學曰小人閒居為不善無所不至見君子而  
佞然揜其不善而著其善余往年放蕩亡賴  
極於惡少之醜態心竊愧之今也語諸人而洗

除心胸譬諸服瓜蒂以取快吐

蘭說曰腦者神明之舍意識之府嘗按漢說曰  
頭為天谷以藏神又曰心者君主之官也神明  
出焉不知醫道者亦或曰疾首蹙額或曰心懷  
百憂其言不雖然心思之役其來也久矣而童  
子未知其說於是試咨諸七歲之兒即點指頭  
於腦與心曰意識在這處乎在那處乎兒不解  
委曲懇到而後解曰意識在心余弭疑不已又  
詢諸十歲之兒如初儀此兒天資伶俐即額曰



其苟思也則如在心矣及苦思也則全在腦矣  
余生于東都六歲移於攝之東鄙長於草莽之  
間幼而多疾嬉戲常不能列于衆兒之羣年甫  
十四以次子克于卒伍歸於東都於是撚槍取  
馬無冬無夏兢業乎武技之場十七八肢  
體始完固儼然一个武夫自以為不足為終身  
之業劃然歸于縫腋之徒然而意氣狡獪對書  
如望洋將燒筆硯者三思之思之俛首三年自  
勉不息畧得知漢字所謂困而知之者也於是

乎涉獵羣書開一大面目凜乎有志于脩業而  
小色繁劇無由成立千慮萬計不知所從乃當  
世宿儒勃兀老于講帷中迂腐局束爵  
不樂者不亦甚遂匿跡之志始定矣雖然血氣  
未定好貨好色趁名慕利不能安於瓦全且迂僻  
之性雖先輩長者見油僧佞媚之人如奴隸以  
故不為鄉里所容爰招奇窮始知趨向異於衆  
人也  
人家什器寵廢無常難哉為主見遇



余家殊貧，以故一切什器，第從簡易。至文房之器，則嗜好僅存，却有妨於清趣者，然嗜好所為，不忍廢之。近境有四方之志，悉分典兒輩而坐。右寂寞，亦不害於事。

余倔强擁腫，不協繩墨，熟考其所從來，幼而長，于草莽之間，進退躁妄，志氣荒放，加之性迂僻，終不能循于一家之偏尚。於是誹謗蜂起，詆毀水迴。如余則素其所不能行其所，雖四肢九竅，不異於眾人，然亦支離之人也。

孟軻之言曰：孤臣孽子，其操心也危，余常以孤臣孽子自處，未能免於癡情。

在昔某侯，日夜酣飲，鄭聲之耽，便嬖之徒，阿媚不禁，擅其寵權，以為得所。其慝慝之士，依然自守。侯一旦豁然改志，焦思講武，脩文，國以富強。於是便嬖之徒，茫々焉自失，只恐不免於刑戮矣。遂影隨響之人，以此為鑑戒矣。戟之長，可以防遠，劍之短，可以禦近。若使劍防遠，戟防近，則兩失其道矣。於我技亦然。



有一倉吏、特握於錢穀之鎖鑰、其治深刻、御下如束溼薪、而自潤其屋、其主恬焉不數、於是犬馬之齡、四十五十者、相與嘲曰、主也、緩矣、余曰、刻哉、主乎、若渠黠、則盜臣難制、令一人盜、則不如今衆人盜之多、刻哉、主乎、

有一大賈、富比國君、世世不絕、當主倉、皇無策、一委于管長、自酒色之耽、管長亦頗勉奢靡、以故倉廩空虛、家勢日衰、余之乳女兒、幼而為童奴、一日來語曰、僕之主家、衰乏殊谷、無如之何、

抑觀其所從來、法令日弛、費耗月加、於是近歲有黠者、頓革舊染、日審日衰、不求諸綱紀、而求諸財貨、猶捨規矩而畫方圓、目意雖巧、不適事要、余嘆曰、高家且然、而況於國家乎、

有一僧年三十、善詩、余為莫逆、此僧時僧中之俊杰、更無煩惱之臭、趺坐讀經之勉、足與論高致、往年遊于小方、不知所之、

點茶家庭、對常川、後凋者為貴、自是風流雅致、余嘗謂庭對花木亦然、四時之間、或榮或凋、是



亦足供于觀矣

余志醫之初就家兄而學焉其學與先大人之  
教大異陰陽五行日寃月精往而不知及余亦  
以為醫道盡于此矣奉教出入二年迂僻之性  
終生別見竊謂素難之說雖可將助事業者不  
少本是一種理論醫道未盡于此矣於是乎閱  
居多醫經愈讀愈厭偶聞和蘭之說適實詳確  
隱然心醉焉遂遊于盤水先生之門而小邑之  
奴隸徒忙了日月未能升堂入室是故如彼治

術則未<sup>能</sup>運諸掌上矣方祈它日之成熟耳

醫之為要在知病與知藥兵法曰知彼知我則  
百戰百勝便欲知病則望聞問切詳于經欲知  
藥則外乎本草而無可就而知焉然本草所說  
余一二驗諸事實未必如彼所說盡信書不知  
無書且治病如治國知藥如知人知人治國古  
人以為難故譬諸製錦難哉如余鹵莽叨施治  
術而弄人命也不可不用心也  
余一二親戚往來年不過于三四回何則彼富



貴我貧賤近則彼以為謾勉屢容遠則彼以為迂僻自高吁女子與小人難親人家玩器嗜好各存觀一器亦足觀其人也人為度哉偶有感因書人之應不必然有雀惜之日來窗下余與殘飯馴之一日晝眠之間童子掩羣捕之即令放之雀不再來余十年前誇于匹夫之勇試劍於刑人之屍一日與其徒相與議妄剖解以供于奇覽為便有其形如未開紅蓮其質以赤筋織成者以今考

之即是所謂心也又有一囊盛如醴者即是所謂胃也其定片團卷纏一不記得夫刑人之就死地也敲敲有不忍見之者當時勉強而忍之只恐人之以情笑已豈人之心乎豈人之心乎醫人之多繩之族如余黃口則未能測知老成人暫以青年之輩論之其為工也自料技之拙擇療病之輕者優游以終年以故少誤其一二俊秀也自進取病家亦及危篤而後託之宜矣乎得効之少豈非善游者溺乎然如為工一誤則忙



乎自失、不知所以誤之、不知不識、又重誤之、何  
誤之多乎、且雇工常多、俊秀常少、終使人惻怛  
不堪而已、

有一少年、鄉人呼做荒太郎、為人狡獪、稟賦強  
健、常佩利劍、服鮮衣、頗極于當世之浮靡、或飲  
酒鬪狠、或踰墻誘女、放蕩之類、不可勝數、多同  
里有一儒、名石堅、言謹齋、言忠信、行謙遜、趨乎  
權貴之門、遇乎當世之君、一鄉之人皆尊之、曰、  
先生先生、一日、延荒太郎於一室、把耳誨之、曰、

汝稟賦強健、才智不下中人、若一旦革志、則儼  
然壯士、今也、留連荒亡、更非士人之行、一鄉賤  
之、父母憂之、不孝莫大焉、汝若不悛、則余告諸  
汝君、徇于一鄉、鳴鼓而逐汝、於是荒太郎叩頭  
流血、白僕固小人、客氣之餘、醜態不禁、汚行斯  
勉、罪不容誅、幸得宥之、則猶更生之日也、敢請  
先生許諾、慰喻懇到、遂為弟子、於是乎、先生說  
諸塗、自述其德、一日、先生侍于某侯、話及荒太  
郎之事、屏後有老医、遯庵者、聞之、而獨言曰、何



道之衰也、佞之亂義、紫之奪朱、甚乎鄉原之亂  
斯德也、蜂不食人、蚊食人、哀哉、先生聞之、酸然  
攘臂、要遯庵曰、余苟祖述孔孟、教育鄉人、醫生  
何言之驕、請聞其審、遯庵微笑曰、聾者不可與  
語、樂瞽者不可與論、錦且焦、僂氏身長三尺、雖  
軒轅不能使之長、防風氏骨專車、雖僦貸季不  
能使之小、人各有分、猶天賦也、君為君、我為我、  
勿復言、先生沈思良久曰、僕不佞、過得罪於大  
人、願受教、遯庵喟然嘆曰、嗚呼、人之有四端也、

不昧者心乎、夫道之大也、不可以一日語、駢言  
我意、三仁之逢、菑孔顏之不用、時也、抑觀世之  
為儒者、得其道者、不合乎俗、不遇乎君、動被其  
冤、所謂鄉原者、口談仁義、其心竊媚於世、人皆  
悅之、自以為溫良、狷者之所不屑、所以我遯于  
匿也、先生汗洽于背、遂巡焉退、



Handwritten text in vertical columns, likely bleed-through from the reverse side of the page. The characters are faint and difficult to decipher, but appear to be in a traditional Chinese script.



